



REPUBLIKA E SHQIPËRISË
BASHKIA SHKODËR

Nr. 6990 Prot

Shkodër, më 01/03 /2025

Lënda: Dërgohet për shqyrtim relacioni dhe projekt vendimi per miratim: **Për miratimin e kërkesës për transferimin në pronësi,të pasurisë me nr.2/170,vol 9,fq 140,ZK 8591 Drejtoria Rajonale e tatimeve Shkodër nga Ministria e Financave tek Bashkia Shkodër..**

KESHILLIT BASHKIAK SHKODËR

Të nderuar këshilltarë, Referuar ligjit 139/2015 "Per veteqevcrisjen vendore"të ndryshuar, VKB nr. 60, date 28,12,2020, "Për miratimin e rregullores të organizimit dhe funksionimit Të Keshillit bashkiak Shkoder", bashkengjitur Ju dërgojmë për shqyrtim relacionin dhe projekt vendimin per miratim: " Për miratimin e kërkesës për transferimin në pronësi,të pasurisë me nr.2/170,vol 9,fq 140,ZK 8591 Drejtoria Rajonale e tatimeve Shkodër nga Ministria e Financave tek Bashkia Shkodër.

Bashkëlidhur gjeni :

Projekt Vendim 2 (dy) fletë.

Relacion 2 (DY) fletë.

Shkresë e Bashkisë Shkoder nr.6059 prot, datë 17.03.2025 1 (një) fletë

Duke Ju uruar punë të mbarë!

Me respekt!

KRYETAR
Benet BECI



REPUBLIKA E SHQIPËRISË
BASHKIA SHKODËR

Nr. _____ Prot

Shkodër, më _____.2025

PROJEKT VENDIM

Nr. _____, datë _____/2025

PËR MIRATIMIN E KËRKESËS PËR TRANSFERIMIN NË PRONËSI, TË PASURISË ME NR.2/170, VOL 9, FQ 140, ZK 8591 NGA MINISTRIA E FINANCAVE TEK BASHKIA SHKODËR.

Këshilli Bashkiak Shkodër, në mbledhjen e tij të datës, _____/2025, me propozim të Kryetarit të Bashkisë, në mbështetje të nenit 8, pika 2, nenit 9 pika 1.2, te ligjit nr. 139, datë, 17.12.2015 "Për Vetëqeverisjen Vendore " të ndryshuar; nenit 3, pika d, nenit 5, nenit 17 të ligjit Nr.8744, date 22.02.2001 "Per transferimin e pronave te paluajtshme publike te shtetit ne njesite e qeverisjes vendore", të ndryshuar, VKM Nr.500, datë 14.08.2001" Për inventarizimin e pronave te paluajtshme shtetore dhe transferimin e pronave ne njesite e qeverisjes vendore ", të ndryshuar; Udhëzimit Nr.15, date 30.06.2003 "Për menyrën e paraqitjes nga njesite e qeverisjes vendore te kerkesave per transferimin ne pronesi te tyre te pronave te paluajtshme publike, dhe sipas relacionit të paraqitur nga administrata e bashkisë Shkodër:

VENDOSI:

1. Miratimin e kërkesës për transferimin në pronësi të Bashkisë Shkodër të pasurisë me këto të dhëna:
 - Pasuria me nr.2/170, vol 9, fq 170 , Zona Kadastrale nr.8591 Shkodër Godina e Drejtorisë Rajonale të Tatimeve pasuri e cila është nën përgjegjësi administrimi të Ministrisë së Financave referuar kartelës së pasurisë.
2. Fusha e përdorimit për këtë pasuri që kërkohet të tranferohen, do të jetë prona të cilat përdoren për kryerjen e veprimtarive social-kulturorë e sportive.
3. Të ndiqen procedurat përkatëse sipas legjislacionin në fuqi, pas miratimit të kërkesës nga Këshilli Bashkiak Shkodër për ndryshimin e pronësisë të pasurisë të sipërcituar duke bashkërenduar punën me Ministrinë e Financave.
4. Për zbatimin e këtij vendimi ngarkohet Kryetari i Bashkisë.
5. Ky vendim hyn në fuqi 10 ditë pas shpalljes.

ZV / KRYETAR
Alban PREKA





REPUBLIKA E SHQIPËRISË

BASHKIA SHKODËR

**DREJTORIA E PËRGJITHSHME E PLANIFIKIMIT DHE ZHVILLIMIT TË TERRITORIT
DREJTORIA E ASETVE DHE KADASTRES URBANE**

Nr. _____ Prot

Shkodër, më ____/____/2025

RELACION

**PËR MIRATIMIN E KËRKESËS PËR TRANSFERIMIN NË PRONËSI, TË
PASURISË ME NR.2/170, VOL 9, FQ 140, ZK 8591 DREJTORIA RAJONALE E
TATIMEVE SHKODËR NGA MINISTRIA E FINANCIVE TEK BASHKIA SHKODËR.**

Drejtuar: Këshillit Bashkiak, Shkodër.

Të nderuar Këshilltarë!

Në funksion të përmbushjes së detyrave funksionale dhe objektive të saj, bashkia Shkodër ka vlerësuar të domosdoshme nevojën për transferimin në pronësi të pronës me të dhëna si më poshtë :

- *Pasuria me nr.2/170, vol 9, fq 170 , Zona Kadastrale nr.8591 Shkodër Godina e Drejtorisë Rajonale të Tatimeve pasuri e cila është nën përgjegjësi administrimi të Ministrisë së Financave referuar kartelës së pasurisë.*

Ky propozim vjen nga nevoja e Bashkisë Shkodër për krijimin e hapësirave me qëllim kryerjen e funksioneve dhe ofrimin e shërbimeve social- kulturore në një ambient sa më komod dhe duke u nisur nga ky fakt, propozojmë miratimin e kësaj kërkesë për transferim.

Fusha e përdorimit të kësaj pasurie që kërkohet të transferohet nga Bashkia Shkodër do të jetë sipas percaktimeve të nenit 3 pika d, të ligjit nr. 8744, datë 22.2.2001 "Per transferimin e pronave të paluajtshme publike të shtetit në njësitë e qeverisjes vendore", të ndryshuar, do të jetë prona të cilat përdoren për kryerjen e funksioneve dhe veprimtarive social-kulturore e sportive sipas parashikimeve të ligjeve në fuqi.

Ky propozim vjen edhe në vijim të bashkëpunimit institucional me Ministrinë e Financave e cila ka pronën nën përgjegjësi administrimi, referuar korrespondencës shkresore.

- Shkresë e Bashkisë Shkodër nr.6059 prot, datë 17.03.2025 me lëndë "Kërkesë për transferim prone drejtuar Ministrisë së Financave.

Vlerësojmë se ky propozim gjen mbështetje ligjore në dispozitat e ligjit nr.139, datë 17.12.2015 "Per Vetëqeverisjen Vendore" i ndryshuar, Ligjit nr.8744, datë 22.2.2001 "Per transferimin e pronave të paluajtshme publike të shtetit në njësitë e qeverisjes vendore" i ndryshuar ,neni 3 pika d,nenit 5 ,dhe neni 17 ,VKM Nr.500, datë 14.08.2001 "Per inventarizimin e pronave të paluajtshme shtetore dhe transferimin e pronave në njësitë e

qeverisjes vendore", i ndryshuar dhe Udhëzimit të Ministrisë së Pushtetit Vendor dhe Decentralizimit nr.15, datë 30.06.2003 "Per mënyren e paraqitjes nga njësitë e qeverisjes vendore të kërkesave për transferimin në pronësi të tyre të pronave të paluajtshme publike".

Në zbatim të VKM nr.28, datë 27.1.2023 "Per përcaktimin e procedurave të hollësishme të përditësimit të listave të pronave shtetërore dhe rregullave për bashkëpunimin ndërmjet institucioneve " Kreu II, parapakisht kërkon Vendimin e Këshillit Bashkiak dhe Ligjshmërinë nga Institucioni i Prefektit të Qarkut Shkodër për trajtimin në vijim sipas procedurave të parashikuara me qëllim përfundimin e procedurave mbi transferimin e këtyre pasurive.

Sa me sipër i propozojmë Këshillit Bashkiak të miratojë propozimin : **Për miratimin e kërkesës për transferimin në pronësi, të pasurisë me nr.2/170, vol 9, fq 140, ZK 8591 Drejtoria Rajonale e tatimeve Shkodër nga Ministria e Financave tek Bashkia Shkodër.**



REPUBLIKA E SHQIPËRISË

BASHKIA SHKODËR

DREJTORIA E PËRGJITHSHME E PLANIFIKIMIT DHE ZHVILLIMIT TË TERRITORIT
DREJTORIA E ASETVE DHE KADASTRES URBANE

Nr. 6059 Prot

Shkodër, më 1403 /2025

Lënda: Kërkesë për transferim prone.

MINISTRISË SË FINANCAVE

Adresa: "Bulevardi Dëshmorët e Kombit" Nr.3 Tiranë

Z.Petrit MALAJ

MINISTËR I FINANCAVE

I nderuar z.Ministër !

Duke vleresuar mbështetjen e vazhdueshme që i keni dhënë pushtetit lokal, kërkojmë nga ana juaj të merrni në konsideratë kërkesën si më poshtë vijon:

Bashkia Shkodër me qëllim realizimin e detyrave funksionale për të krijuar ambiente sa me komode dhe afër qytetarëve në ofrimin e shërbimeve, paraqet pranë institucionit tuaj kërkesen për transferim nën administrim të bashkisë Shkodër të pasurisë së ndodhur në Zonën Kadastrale 8591 Shkodër godinen pranë të ciles aktualisht ushtron veprimtarinë e saj funksionale Drejtoria Rajonale Tatimeve Shkodër.

Bashkia Shkodër merr angazhimin për sistemimin institucioneve të cilat ushtrojnë aktualisht veprimtarinë e tyre në këtë godinë.

Duke ju falenderuar për bashkëpunimin, mbetemi në pritje të një përgjigje pozitive nga ana juaj!

KRYETAR

Benet BECI

ME VENDIM DELEGIMI

Z. KRYETAR
Alban PREKA

